

"სპორტული ინიციატივების" ფარგლებში კონკურსის ჩატარებისა და დროებითი კომისიის მუშაობის დებულება

1. ზოგადი დებულებანი

- 1.1 წინამდებარე დებულება განსაზღვრავს კონკურსის „სპორტული ინიციატივების მხარდაჭერა“ ჩატარების წესსა და პირობებს, შეფასების კრიტერიუმებსა და ადმინისტრაციული უზრუნველყოფის საკითხებს.
- 1.2 კონკურსის ორგანიზატორია ქალაქ ქუთაისის მუნიციპალიტეტის მერია.
- 1.3 კონკურსის ჩატარებაზე პასუხისმგებელია ქალაქ ქუთაისის მუნიციპალიტეტის მერიის კულტურის, სპორტის, განათლებისა და ახალგაზრდობის საქმეთა სამსახურის სპორტისა და ახალგაზრდობის საქმეთა განყოფილება, რომელიც:
 - 1.3.1 უზრუნველყოფს მონაწილეთა ინფორმირებას;
 - 1.3.2 კონკურსის ჩატარების საორგანიზაციო საკითხების მოგვარებას;
 - 1.3.3. კონკურსის ჩატარების ხელშეწყობას;
 - 1.3.4 კონკურსში შემოსული განაცხადების შემოწმებას დებულებით გათვალისწინებულ მოთხოვნებთან, მათ შორის ბიუჯეტში სახელფასო მოთხოვნის 30% ზღვარის დაცვის კუთხით;
 - 1.3.5 დროებითი კომისიის მდივანთან ერთად ამოწმებს პროექტების წინამდებარე დებულებასთან შესაბამისობას და კომისიას განსახილველად წარუდგენს კონკურსის მე-2 ეტაპზე გადასულ პროექტებს.
- 1.4 კონკურსი ტარდება ქალაქ ქუთაისის მუნიციპალიტეტის მასშტაბით;
- 1.5 კონკურსი "სპორტული ინიციატივების მხარდაჭერა" ითვალისწინებს საინიციატივო ჯგუფებისა და სპორტული ორგანიზაციების მიერ ინიცირებული პროექტების მხარდაჭერას.

2. კონკურსის მიზანი

- 2.1 კონკურსის მიზანია სპორტის სფეროში ინიციატივების წახალისება, სპორტსმენების პოტენციალის რეალიზებისა და მათი უნარების განვითარების ხელშეწყობა.
- 2.2 ჯანსაღი ცხოვრების წესის პოპულარიზაცია და მასობრივი სპორტული ღონისძიებების ჩატარება.
- 2.3 ახალგაზრდა და ვეტერანი სპორტსმენების გააქტიურება და მათი საზოგადოებრივ/სპორტულ ცხოვრებაში ჩართვა.

3. კონკურსის ჩატარების პირობები და მოთხოვნები

- 3.1 კონკურსში მონაწილეობის უფლება აქვთ საინიციატივო ჯგუფებსა და კერძო სამართლის იურიდიულ პირებს.
- 3.2 პროექტის ძირითადი ნაწილი უნდა განხორციელდეს ქუთაისში.
- 3.3 საკონკურსო განაცხადების მიღება წარმოებს ქალაქ ქუთაისის მუნიციპალიტეტის მერიის სახელზე. კონკურსში მონაწილეთა რეგისტრაცია ხორციელდება ქალაქ ქუთაისის მუნიციპალიტეტის მერიის კულტურის, სპორტის, განათლებისა და ახალგაზრდობის საქმეთა სამსახურში კომისიის მდივანთან. მდივანი უზრუნველყოფს კონკურსში მონაწილეთა საინფორმაციო ბაზის შექმნას და ინფორმაციის გაცემას. კონკურსში

მონაწილეობის მსურველები ავსებენ დადგენილი ნიმუშის განაცხადს დანართები 2-3-ის შესაბამისად.

3.4 კონკურსში მონაწილეს შეუძლია შეავსოს მხოლოდ ერთი განაცხადი.

3.5 საპროექტო განაცხადი შევსებული უნდა იყოს სააპლიკაციო ფორმაში მითითებული მოთხოვნათა დაცვით.

3.6 კომისია არ განიხილავს განაცხადს:

3.6.1. დოკუმენტების არასრულად წარმოდგენის შემთხვევაში

3.7 საკონკურსო განაცხადის შემოტანის უფლება აქვს მოქალაქეებს 18 წლიდან.

3.8 ქ.ქუთაისის მუნიციპალიტეტის მერიიდან მოთხოვნილი თანხა არ უნდა აღემატებოდეს 10 000 (ათი ათასი) ლარს.

3.9 სახელფასო ბიუჯეტი, გადასახადების გათვალისწინებით, არ უნდა აღემატებოდეს პროექტის საერთო ღირებულების 30%

4. საკონკურსო პროექტების თემატიკა:

- ა) მასობრივი სპორტული ღონისძიებების დაგეგმვა;
- ბ) მოსახლეობის ჯანმრთელობისა და კეთილდღეობის მხარდაჭერა;
- გ) ჯანსაღი ცხოვრების წესის პოპულარიზაცია;
- დ) შშმ სტატუსის მქონე პირთათვის სპორტული აქტივობის დაგეგმვა;

5 . კონკურსში მონაწილეობის მისაღებად საჭირო დოკუმენტების ნუსხა:

5.1 კონკურსში მონაწილეობის მისაღებად მერიაში წარმოდგენილი უნდა იქნეს შემდეგი დოკუმენტაცია:

- ა) შევსებული სტანდარტული სააპლიკაციო ფორმა/განაცხადი /დანართი N2 საინიციატივო ჯგუფებისთვის და დანართი N3 ორგანიზაციებისთვის /
- ბ) საინიციატივო ჯგუფის წევრების CV, ორგანიზაციის შემთხვევაში ორგანიზაციის რეგისტრირების დოკუმენტაციის ასლი, საქმიანობის სფერო, მიზნები და განხორციელებული პროექტების ნუსხა;
- გ) პირადობის დამადასტურებელი დოკუმენტის ასლი.
- დ) თანადაფინანსების დამადასტურებელი საბუთი;
- ე) მინი-კვლევა, რომელიც აღნიშნული პროექტის საჭიროებაზე მიუთითებს (ასეთის არსებობის შემთხვევაში);
- ვ) პროექტის განხორციელების ადგილის ფლობის, ან სარგებლობის დამადასტურებელი დოკუმენტი (თუ პროექტი ითვალისწინებს ძირითადი აქტივობების განხორციელებას კონკრეტულ სივრცეში);

5.2 დოკუმენტები წარმოდგენილი უნდა იყოს ელექტრონული ფორმით

5.3 კომისია უფლებამოსილია საჭიროების შემთხვევაში მოითხოვოს დამატებითი დოკუმენტაცია;

5.4. კომისია იტოვებს უფლებას, განმცხადებელს საჭიროების შემთხვევაში დააზუსტებინოს პროექტი.

6. კონკურსის ეტაპები

კონკურსი მოიცავს შემდეგ ეტაპებს:

- I - საკონკურსო განაცხადების მიღება;
- II - განაცხადების გადარჩევა- (დებულების მოთხოვნებთან შესაბამისობის დადგენა)
- III - კონკურსანტების მიერ პროექტების პრეზენტაცია /კულტურის, სპორტის, განათლებისა და ახალგაზრდობის საქმეთა სამსახური განიხილავს შემოსულ განაცხადებს და მიღებული გადაწყვეტილების კონკურსის მესამე ეტაპზე გადასვლის შესახებ განმცხადებელს აცნობებს პრეზენტაციის გამართვამდე არაუმცირეს 5 სამუშაო დღით ადრე/.
- IV - პროექტების განხილვა და გამარჯვებული პროექტების გამოვლენა

7. შეფასება

7.1 პროექტების შეფასება ხდება შემდეგი კრიტერიუმებით

№	შეფასების კრიტერიუმი	ქულა
1	პროექტის ინოვაციურობა და კრეატიულობა	15
2	პროექტის დასაბუთება	15
3	პროექტის სტრუქტურა - მეთოდოლოგია, ფუნქციები, შესრულების გეგმა და სხვ.	15
4	ბიუჯეტი-ხარჯთეფექტიანობა და შესაბამისობა დაგეგმილ აქტივობებთან და მიზნებთან	15
5	ორგანიზაციის/კონკურსანტის გამოცდილება	15
6	რელევანტურობა - რამდენად პასუხობს პროექტი მიზნებს,	15
7	პროექტის მდგრადობა, განვითარების პერსპექტივა და შედეგისეფექტიანობა;	10
სულ		100 ქულა

7.2 გამარჯვებულად გამოცხადდება პროექტი, რომელმაც დააგროვა ქულათა მაქსიმალური რაოდენობა, მაგრამ არა უმცირეს საერთო ქულათა 70% (საბოლოო ჯამში ფინანსდება საუკეთესო შედეგების მქონე პროექტები „სპორტული ინიციატივების“ მუხლში განსაზღვრული თანხის ამოწურვამდე).

8. კონკურსის ჩატარების ვადები

8.1 კონკურსი ცხადდება ერთ ან ორ ეტაპად, ქვეპუნქტში „სპორტული ინიციატივების მხარდაჭერა“ თანხის ათვისების შესაბამისად,

8.2. პირველ ეტაპზე კონკურსში მონაწილეთა განაცხადების მიღება წარმოებს 2026 წლის 12 თებერვლიდან - 15 მარტის 18:00 სთ-მდე ელექტრონული ფორმით მისამართზე- contact@kutaisi.gov.ge

8.3 კონკურსის მე-2 ეტაპი (საჭიროების შემთხვევაში ცხადდება მ/წ 30 მარტიდან 19 აპრილის 18:00 საათამდე)

9. პროექტის ხანგრძლივობა

პროექტი უნდა დასრულდეს მ/წ 20 დეკემბრამდე.

10. დროებითი კომისიის შექმნა და მუშაობის წესი

10.1 კონკურსის დებულებას და დროებითი კომისიის შემადგენლობას ამტკიცებს ქ. ქუთაისის მუნიციპალიტეტის მერი შესაბამისი ბრძანებით;

10.2 კომისიას ხელმძღვანელობს კომისიის თავმჯდომარე, მისი არყოფნის შემთხვევაში თავმჯდომარის მოადგილე;

10.3 კომისია უფლებამოსილია მიიღოს გადაწყვეტილება, თუ მას ესწრება სიითი შემადგენლობის უმრავლესობა;

10.4 გამარჯვებულის გამოსავლენად შეფასების კრიტერიუმების ქულათა ჯამით, გამარჯვებულად მიიჩნევა და დაფინანსდება ის კონკურსანტი, რომელიც მიიღებს მაქსიმალურ ქულათა არანაკლებ 70 %.

10.5 თუ ორმა ან მეტმა საკონკურსო ნამუშევარმა დააგროვა თანაბარი რაოდენობის ქულები, გადამწყვეტია კომისიის თავმჯდომარის ხმა;

10.6 კომისიის გადაწყვეტილება ფორმდება ოქმით, რომელსაც ხელს აწერს კომისიის თავმჯდომარე და დამსწრე წევრები. კომისიის წევრს აქვს უფლება თავისი განსხვავებული აზრი დაურთოს ოქმს, რის შესახებაც ოქმში კეთდება აღნიშვნა;

10.7 კომისიის გადაწყვეტილება კონკურსის შედეგებთან დაკავშირებით გამოქვეყნდება კულტურის, სპორტის, განათლებისა და ახალგაზრდობის საქმეთა სამსახურის ფეისბუქ გვერდზე გამარჯვებული პროექტების დამტკიცებიდან 5 სამუშაო დღის ვადაში.

10.8 კომისია წყვეტს უფლებამოსილებას გამარჯვებული პროექტების გამოვლენისთანავე.

11. კონკურსში გამარჯვებული პროექტის განხორციელება

11.1 კონკურსში ინიცირებულ პროექტს უნდა ჰქონდეს მინიმუმ 20 % იანი ფინანსური თანამონაწილეობა.

11.2. კონკურსში გამარჯვებულ პროექტებზე ფორმდება ურთიერთანამშრომლობის მემორანდუმი.

ქ.ქუთაისის მუნიციპალიტეტის მერი
დავით ერემეიშვილი